



23. november 2022

Inatsisartut ingerlatsinermut maleruagassaanni § 37 imm. 1 tungavigalugu Naalackersuisunut ukuninga apeqquteqaateqarpunga:

Naalackersuisunut apeqquteqaatit:

1. **Campus Kujallermi missigersuutininik qaangiisimanerit pillugit Naalackersuisut Campus Kujallermi siulersuisunit 2017-imiilli saaffiginnissutinik qassinik tigusaqarsimappat?**
 - a. **Saaffiginnissutinit taakkunanga qassit Naalackersuisut akissuteqarfigisimavaat?**
 - i. **Naalackersuisut piumaffigineqarput tigunerannut ullui aammalu akissuteqarnermi ullui ilisimatitsissutigeqqullugit.**
2. **Campus Kujallermi missigersuutininik qaangiisimanernut nalunaarutit kingunerisimavaat, Naalackersuisut Aningaasaqarnermut- Akileraartarnermullu ataatsimiititaliamut saaffiginnissimanerat uku pillugit:**
 - a. **Ilisimatitsissut?**
 - b. **Ilassutitut akuereqqulluni piumasaqaat?**
 - c. **Nuutsiterinissamik piumasaqaat?**
 - i. **Naalackersuisut piumaffigineqarput Aningaasaqarnermut- Akileraartarnermullu ataatsimiititaliamut saaffiginninnerit ullui nassiateqqullugit?**
3. **Naalackersuisut isumaqatigaat una, missigersuutininut inatsimmi § 8:**

“Aningaasaliissuteqaqqaartoqartinnagu aningaasartuuteqartoqassanngilaq aamma isertitaqartoqassanngilaq” aammalu missigersuutininut inatsimmi § 11, imm.2.: “Naalackersuisup oqartussaaffimmi aningaasaliissutaanut akisussaasuvoq” Naalackersuisunit malinneqartuaannassasoq?

(Inatsisartunut ilaasorta q Nivi Olsen, Demokraatit)

Tungavilersuut

Inatsisartut kukkunersiuinermut ataatsimiititaliaata Nunatta Karsiata 2021-imut Naatsorsuutaanut isumaliutissiisummini llinniartitaanermut, Kultureqarnermut, Timersornermut Ilageeqarnermullu Naalackersuisumut arlalinnik isornartorsiuvoq. Immikkoortut ilaat (arlaliupput) Campus Kujallermi missigersuutininik qaangiisimanermut tungavoq. Taassuma kingorna Campus Kujallermi siulersuisuni siulittaasoq KNR-imut oqaluttuarpoq, siulersuisut tungaanniit arlaleriaqaluni 2017-imiilli missigersuutininik sippuineq pillugu¹ saaffiginnittarsimagaluarlutik.

Ilinniartitaanermut, Kultureqarnermut, Timersornermut Ilageeqarnermullu Naalackersuisup manna tikillugu naatsumik allakkatigut oqaaseqaateqarsimavoq, paasinanngitsunik. Taamaattumik allatut ajornartumik uku apeqqutigisariaqalersimavakka, innuttaasut akissutissarsillutillu paasisaqarniassammata, Naalackersuisuni matut matoqqasut tunuanni susoqarnersoq.

¹ Ilanngutassiaq: ” Siulersuisut 2017-imiilli millionilikkaanik atuivallaarneq pillugu suaarutiginnissimasut”, KNR.gl 18/11



DEMOKRAATIT
DEMOKRATERNE

Apequteqaatinnut akissutit ullut suliffiusut qulit nallertinnagit tigunissai qilanaaraara.